



KEMENTERIAN PERDAGANGAN DALAM NEGERI  
DAN HAL EHWAL PENGGUNA

---

**KERATAN AKHBAR  
DAN MEDIA ONLINE  
UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PUP)  
SETIAUSAHA AKHBAR**

---

**16 JUN 2021 (RABU)**



KEMENTERIAN PERDAGANGAN DALAM NEGERI  
DAN HAL EHWAL PENGGUNA

---

---

**KERATAN AKHBAR  
DAN MEDIA ONLINE  
(KPDNHEP)**

---

---

**16 JUN 2021 (RABU)**

## Penguat kuasa KPDNHEP dikerah pantau harga sayur

KEMENTERIAN Perdagangan Dalam Negeri dan Hal Ehwal Pengguna (KPDNHEP) mengerah pegawai penguat kuasa khususnya di Pahang dan Perak untuk memantau harga sayur yang didakwa meningkat.

Menteri KPDNHEP, Datuk Seri Alexander Nanta Linggi bagaimanapun tidak menolak kenaikan harga itu disebabkan gangguan bekalan apabila Cameron Highlands dikenakan Perintah Kawalan Pergerakan Diperketatkan (PKPD).



# Harga sayur dipantau secara berterusan

KPDNHEP turut menggerakkan pegawai penguat kuasa bagi memastikan tiada kenaikan melampau

Oleh TUAN BUQHAIRAH TUAN MUHAMAD ADNAN

## PUTRAJAYA

**K**ementerian Perdagangan Dalam Negeri dan Hal Ehwal Pengguna (KPDNHEP) akan memantau secara berterusan kedudukan bekalan dan harga bagi sayur tertentu yang dibekalkan oleh pekebun dari Cameron Highlands.

Menterinya, Datuk Seri Alexander Nanta Linggi berkata, KPDNHEP akan melaksanakan kuasa yang diberikan kepada kementerian seperti mengenakan harga kawalan atau harga maksimum jika didapati harga sesuatu barang itu melonjak ke paras yang tidak munasabah.

“Tindakan penguatkuasaan di bawah Akta Kawalan Harga dan Antipencatutan (AKHAP) 2011 akan dilaksanakan jika terdapat mana-mana pihak yang sengaja mengambil keuntungan secara tidak munasabah atau mencatat terutama dalam situ-

asi semasa ketika ini. “Peniaga boleh dikenakan tindakan di bawah Seksyen 14(1), Akta Kawalan Harga dan Anti pencatutan (AKHAP) 2011 dan sekiranya sabit kesalahan, dan boleh dikenakan denda sehingga RM500,000 bagi suatu perbadanan atau syarikat.

“Bagi bukan perbadanan atau individu pula boleh dikenakan denda sehingga RM100,000 atau dipenjarakan selama tempoh tidak melebihi tiga tahun atau kedua-duanya sekali,” katanya dalam satu kenyataan pada Selasa.

Pada Isnin, *Sinar Harian* melaporkan harga sayur mengalami peningkatan sehingga 40 peratus selepas beberapa kawasan di Cameron Highlands dikenali Perintah Kawalan Pergerakan Diperketatkan (PKPD) bermula Isnin.

Antara kawasan terlibat ialah Kampung Raja iaitu Sungai Ikan; Blue Valley; Taman Mahari Cerah; Taman Desa Corina dan Kampung Baru Kampung Raja. Kawasan tersebut

merupakan pusat pengeluaran utama sayur di negara ini. Dalam pada itu, Alexander berkata, susulan pelaksanaan PKPD di situ menyebabkan ka- hawat pertanian seluas 607 hektar terjejas.

Bagaimanapun, beliau berkata, Bahagian Harga Barang Negara (BHBN) KPDNHEP menjalankan analisis dan berdasarkan data harga pada 13 Jun, mendapati perubahan harga purata harian sayuran seperti tomato, timun, kubis, kacang buncis berbanding 12 Jun menunjukkan penurunan.

“Tomato mengalami penurunan harga sebanyak 2.16 peratus, lada benggala kuning (-0.13), lada benggala merah (-1.47), kubis bulat tempatan (-0.86) dan buncis (-0.67),” katanya.

Beliau berkata, hanya timun dan lada benggala hijau yang mengalami sedikit kenaikan harga iaitu masing-masing 1.01 dan 0.36 peratus.

“Sayuran seperti timun Jepang dan daun salad tidak dipantau oleh Kementerian kerana dikategorikan sebagai barangan bukan keperluan asas pengguna,” katanya.

Sementara itu, lebih 2,200



Peniaga yang didapati mengambil kesempatan dengan mengenakan harga melampau dan tidak masuk akal boleh dikenakan tindakan di bawah Akta Kawalan Harga dan Anti Pencatutan 2011.

pegawai penguat kuasa KPDNHEP di seluruh negara memantau harga sayur yang didakwa naik sejak Selasa.

Timbalan Menteri, Datuk Rosol Wahid berkata, pemantauan itu dilakukan bagi memastikan tiada kenaikan harga yang melampau hingga

membebankan pengguna. “Setakat ini, kita (KPDNHEP) masih belum menerima sebarang aduan atau laporan tentang kenaikan harga sayuran ini.

“Daripada pemantauan yang dibuat, kita dapati harga cili juga masih terkawal,” katanya.

Laporan SARINAH MAT KASIM, NORAWAZNI YUSOF, ROSHILA MURNI ROSLI,  
RAIHAM SANUSI dan MOHD HARIS FADLI MOHD FADZIL

# Impak kenaikan harga sayur

## terasa

Pengguna di beberapa negeri mula terasa kesan kenaikan harga sayur dari Cameron Highlands, Pahang

### SHAH ALAM

**H**arga sayur-sayuran di beberapa buah negeri dilaporkan melambung selepas hasil pertanian dari tanah tinggi di Cameron Highlands, Pahang tidak dapat dikeluarkan ekoran pelaksanaan Perintah Kawalan Pergerakan Diperketatkan (PKPD).

Tinjauan *Sinar Harian* mendapati harga sayuran yang mengalami peningkatan ialah tomato, timun Jepun, cili, kubis, kacang buncis, lada manis atau lada benggala, brokoli dan salad.

Negeri yang melaporkan kenaikan ialah Terengganu, Selangor dan Kedah, namun Negeri Sembilan, Perak dan Pahang dilaporkan harga masih stabil disebabkan stok lama masih ada.

Di **SELANGOR**, seorang peniaga sayur di Pasar Basah Seksyen 14 Petaling Jaya, Ahmad Sharizan Mohd Tajjuddin, 35, berkata, kenaikan harga sayur sukar dikawal dan naik antara RM2 hingga RM4 sekilogram (kg).

"Paling ketara kenaikan sayur brokoli daripada RM12 kepada RM16 sekilogram, manakala timun naik kepada RM5.50 sekilogram berbanding RM3 sekilogram sebelum ini," katanya kepada pemberita di sini pada Selasa.

Pada Sabtu lalu, kerajaan mengumumkan PKPD di Kampung Raja, Cameron Highlands, Pahang melibatkan kawasan Sungai Ikan, Blue Valley, Taman Matahari Cerah, Taman Desa Corina serta Kampung Baru Kampung Raja.

Ia dilaksanakan mulai Isnin hingga 27 Jun ini selepas 29 kes positif Covid-19 dikesan dalam tempoh dua minggu.

Dalam pada itu, Ahmad Sharizan berkata, harga tomato dijual RM7 sekilogram berbanding sebelum ini hanya RM5.

"Pemborong memaklumkan, harga sayur naik disebabkan tenaga kerja ladang di Cameron Highlands tidak mencukupi akibat pelaksanaan PKPD," katanya.

Di **TERENGGANU**, peniaga Pasar Besar Kedai Payang, Nornadiah Musa, 25, berkata, harga bagi tomato gred A naik sekali ganda kepada RM6 sekilogram berbanding RM3.50 bagi kuantiti sama yang dijual pada Isnin.

Katanya, berlaku juga kenaikan mendadak pada harga salad apabila sekilogram sayur itu terpaksa dijual antara RM8 hingga RM9 berbanding RM6 yang dijual pada Isnin.

"Kebanyakan sayur yang dijual diambil dari Cameron Highlands. Apabila berlaku sekatan, sayuran tidak dapat sampai ke sini menyebabkan harganya naik secara mengejut.

"Semalam (Isnin), saya masih boleh jual tomato pada harga RM3.50 sekilo bagi gred A, hari ini terpaksa jual RM6.

"Begitu juga harga salad melambung daripada RM6 kepada RM8 hingga RM9 sekilogram. Kita jangka esok berlaku kenaikan harga bagi barangan ini," ujarnya.

Menurut Nornadiah, berlaku juga kenaikan RM1.50 hingga RM2 bagi sayuran kacang buncis yang kini dijual RM12 sekilogram.

Selain itu, katanya harga bagi cili besar meningkat kepada RM8 hingga RM9 berbanding RM5 hingga RM6 dijual minggu lalu, manakala lada benggala dijual pada harga RM12 sekilogram.

Di **KEDAH**, lebih 20 peniaga sayur di Pasar Besar Alor Setar gusar apabila harga sayur mengalami kenaikan mendadak.

Seorang peniaga, Mawardi Taha, 50, berkata, harga sayur dari kawasan tanah tinggi itu dikesan mengalami kenaikan antara 40 hingga 50 peratus berbanding harga sebelum ini.

"Kita pernah mengalami kenaikan harga sayur sebelum ini tetapi ia tidak terlalu mendadak seperti kali ini iaitu dalam tempoh masa sehari sahaja.

"Misalnya, tomato saiz XL sebelum ini harganya RM25 se-



Penjual sayur-sayuran sedang menyusun barang jualan di Pasar Awam Larkin Sentral, Johor Bahru pada Selasa.

kotak, tetapi hari ini kita dapat pada harga RM52 sekotak. Apabila beli mahal, kita pun terpaksa jual mahal kepada pelanggan untuk elakkan kerugian," katanya.

Jelasnya, selain harga sayur yang mahal, mereka juga berdepan masalah bekalan apabila beberapa jenis sayur yang dipesan tidak diterima.

Antara sayur yang tidak mempunyai stok adalah kacang buncis, timun jepun, lada benggala dan brokoli.

"Kita pesan, tetapi barang tak ada. Alasan pemborong barang tak dapat turun dari Cameron Highlands, jadi saya terpaksa jual apa yang ada," katanya.

Di PAHANG, seorang peniaga sayur di Pasar Besar Kuantan, Mohd Zahfi Mohd Yusof, 38, berkata, harga sayuran tidak mengalami sebarang perubahan setakat ini, namun dia ada mendengar dakwaan kenaikan harga untuk beberapa jenis sayur-sayuran.

"Semua harga sayuran seperti tomato RM4 sekilogram, cili (RM8), timun Jepun (RM4), lada benggala pula sebanyak RM7 hingga RM12 sekilogram mengikut jenis dan semua jenis salad antara RM4 hingga RM6.

"Tetapi kacang buncis mengalami penurunan sebanyak RM3 berbanding RM12 sekilogram minggu lalu," katanya.

Mohd Zahfi menjelaskan kenaikan harga barangan itu diramalkan dalam tempoh seminggu dua lagi.



Harga sekilo tomato saiz XL yang dijual kepada pelanggan mencecah RM6.50 di Pasar Besar Alor Setar, Kedah.

"Kenaikan harga tetap berlaku, tetapi bukan pada waktu sekarang kerana pemborong masih lagi mengekalkan harga lama," ujarnya.

Di NEGERI SEMBILAN, majoriti pengguna di Seremban memilih membeli barangan keperluan harian di pasar raya besar berbanding pasar awam.

Salah seorang pengunjung, Natrah Kassim, 42, memberitahu, dia lebih suka membeli di pasar raya berbanding di pasar awam, atas faktor keselesaan dan harga yang lebih murah.

"Sejak PKP 3.0 lalu, saya memang membeli di pasar raya, sayur di sini lebih murah, misalnya brokoli seketul hanya RM3.90 sahaja berbanding di pasar, mereka timbang ikut harga sekilogram.

"Ramai peniaga juga yang membeli makanan dan sayur-sayuran di pasar raya ini, berbanding di pasar. Harga juga masik terkawal," katanya.

Di PERAK, tinjauan di Pasar Besar Ipoh mendapati penjualan sayur seperti tomato, cili merah, kubis, kacang buncis, timun Jepun dan lada benggala masih pada harga biasa antara RM3 hingga RM13 sekilogram.

Menurut peniaga, Saiful Azri Shamsuddin, 34, komuniti peniaga mengetahui kenaikan harga jualan sayur selepas dimaklumkan oleh pihak pembekal.

"Pembekal mengesyorkan untuk mengambil stok sayur lebih banyak daripada kebiasaan pada Ahad lalu, memandangkan mereka tidak dapat turun untuk hantar kerana PKPD.

"Stok saya ambil seperti cili merah, tomato dan kubis kerana tahan dua atau tiga hari dan tidak mudah busuk seperti sayur berdaun," ujar Saiful Azri.

Katanya lagi, harga sebenar kenaikan sayur dari kawasan tanah tinggi itu boleh diketahui pada Khamis setelah stok habis dijual.

## Harga sayuran naik 200 peratus

**BAGAN SERAI** – Peniaga sayur-sayuran di Pasar Awam Bagan Serai di sini merungut berikutan harga makanan itu yang naik mendadak sehingga 200 peratus sejak semalam menyebabkan jualan mereka merosot apabila pelanggan kini memilih sayur-sayur kampung sebagai ganti.

Dakwa mereka kenaikan harga tersebut ekoran pelaksanaan Perintah Kawalan Pergerakan Diperketatkan (PKPD) di Kampung Raja Cameron Highland.

Peniaga sayur, Tan Teoh Teik, 49, berkata, dia terpaksa membayar lebih tinggi kerana telah menempah lebih awal sayur-sayuran dan terkejut apabila diberitahu harga bekalan meningkat.

“Buah tomato dua hari lalu harga borongnya adalah RM4.50 dan hari ini (semalam) meningkat RM6.50 sekilogram (kg), manakala sawi sebelumnya RM2 naik RM7 bagi 1 kg.

“Hari ini (semalam) harga tomato naik tapi bila kita buat tempahan pembekal pula memberitahu bekalan tiada, jadi macam mana saya mahu berniaga?” soalnya kepada pemberita ketika ditemui di Pasar Awam Bagan Serai di sini semalam.

Seorang lagi peniaga, Shahrul Nizam Ani, 47, berkata, kenaikan harga sayur-sayuran sejak semalam menyebabkan mereka tiada pilihan.

“Paling ketara ialah sawi dan tomato diikuti dengan sayuran berdaun lain.



**YUSNITA (kiri) menunjukkan sayur sawi yang meningkat harga hampir 200 peratus di Pasar Awam Bagan Serai semalam.**

“Saya tak pasti kenaikan harga ini berpunca daripada orang tengah yang mengambil kesempatan kononnya disebabkan PKPD di Kampung Raja Cameron Highland atau kenaikan oleh pekebun sayur itu sendiri,” katanya.

Pandangan sama disuarakan seorang lagi peniaga, Yusnita Yusof, 47, yang mengatakan kenaikan itu telah menimbulkan rungutan dalam kalangan pelanggan.

“Siapa tidak terkejut biasa beli

RM2 seikat tiba-tiba hari ini jadi RM7 pula,” ujarnya.

Sementara itu, Pengerusi Jawatankuasa Perdagangan Dalam Negeri dan Hal Ehwal Pengguna negeri, Datuk Abdul Yunus Jamhri mengesahkan terdapat kenaikan harga sayuran, namun tidak menyeluruh.

“Sepatutnya faktor PKPD tidak timbul kerana bekalan dan pengedaran sayur-sayuran ini merupakan aktiviti perlu dan tidak terjejas,” ujarnya.

## Harga sayur naik melambung

**SUDAH** jatuh ditimpa tangga, dipatuk angsa. Begitulah ibaratnya rakyat kita sekarang. Sudahlah harga barang keperluan utama naik, harga ikan melambung, menurut laporan akhbar ini harga sayur pula tak terkawal.

Puncanya antara lain disebabkan pelaksanaan Perintah Kawalan Pergerakan Diperketatkan (PKPD) di Cameron Highlands.

Menurut berita, lebih 12,000 pekerja warga asing tidak boleh keluar bekerja disebabkan PKPD. Kita tidak tahu selama mana PKPD itu akan berjalan. Tapi kesannya akan lebih buruk pada minggu-minggu akan datang.

Seminggu dua lalu, heboh berita kenaikan harga minyak masak. Rakyat mengeluh dengan kenaikan mendadak.

Awang harap kementerian yang berkenaan pantau masalah kenaikan harga

barang keperluan rakyat. Ia membatik Kementerian Perdagangan Dalam Negeri dan Hal Ehwal Pengguna (KPDNHEP) dan Kementerian Pertanian dan Industri Makanan.

Rakyat terkurung sekarang. Ramai yang tidak bekerja dan hilang pekerjaan. Keadaan hidup rakyat semakin tersepit. Mereka yang bekerja sendiri dan berpendapatan rendah dah susah nak bernafas.

Jika kerajaan tak pantau harga barang-barang keperluan asas, kesan buruknya pada rakyat juga.

Janganlah pak-pak menteri kementerian berkaitan beri macam-macam helah dan alasan, ada yang tak masuk akal pun. Hormatilah rakyat. Mereka cerdik dan boleh menilai.

Sekiranya semua kementerian yang terbabit gembeleng tenaga dan berfikir, tentulah boleh dicari penyelesaian yang terbaik.

Inilah masanya untuk bantu rakyat dengan cara beri subsidi.





Senarai Harga Barang Keperluan

• Ayam	RM6.29	• Telur Gred A	RM9.20	• Cili Merah	RM6.90
• Daging Lembu Tempatan	RM35	• Ikan Kembung	RM8.90	• Kubis Tempatan	RM1.99
• Daging Lembu Import	RM25	• Minyak Masak	RM6.20	• Tepung Gandung	RM2.09
• Gula Pasir	RM2.80	• Bawang Besar Holland	RM2.80		
• Bawang Putih	RM5.50	• Bawang Putih	RM5.50		

\*Harga (RM/kg) Sumber: KPDNHEP